

Inuussutissarsiornermut, Suliffeqarnermut Inuussutissarsiutinullu ilinniartitaanermut Naalakkersuisoqarfik
Naalakkersuisoq
Landsstyremrådet for Erhverv, Arbejdsmarked og Erhvervsuddannelser
Landsstyremedlemmet
Ministry of Industry, Labour and Vocational Training
The Minister



Inatsisartunut ilaasortaq Anthon Frederiksen, Kattusseqatigiit partiia

Inatsisartut suleriaasianni § 36, imm. 1 naapertorlugu Naalakkersuisunut apeqquteqaat nr. 2006-71

22. maj 2012

Asasara Anthon Frederiksen

J. nr. 01.20/06
SIIP j. nr. 52.85

Inuussutissarsiornermut, Suliffeqarnermut aamma Inuussutissarsiutinut Ilinniartitaanermut naalakkersuisoqarfimmit ataani allanneqartutut apeqquteqaatigisatit qujassutigaaqut.

Postboks 1601
3900 Nuuk
Oq/tel +299 34 50 00
Fax +299 32 56 00
ip@gh.gl
www.nanoq.gl

”Ilinniartitaanerup pilersaarusionerqarnera ukiumiit ukiumut, ukiuni maannamut aningaasanut inatsiseqarfiusumi aningaasat immikkoortinneqarsimasut qanoq atornerqarnissaat ? ukiunullu missingersuusiorfiusunut aningaasat atornerqartussat immikkoortiterneqarneri, ilinniartooreertut ingerlariaqqinnerat ? ilinniartunngorumaartut qanoq amerlatiginissaat ? ilinniarfiit qanoq aaqqissungaanissaat ? qanorlu ineriartorteqqinnissaat ? ilinniartunut praktik-kerfissat qanoq qularnaarnierneqarnersut ? ilinniagaqartut qanoq amerlatigisut ukiuni missingersuusiorfiusuni ilinniakkaminnik naammassereersimanissaat Naalakkersuisut qanoq naatsorsuutingaat ? tikisitanik pisariaqartitsinerup annikilliarternissaa Naalakkersuisut qanoq takorloorpaat ? imaluunniit tamakku tamarmik qanoq pilersaarusionerqarpat ?”

Naalakkersuisut ilinniagaqartut qassit ilinniarnerminnik naammassinninnissaannik nalilersuinerminni kisitsisit paasissutissat ilinniagaqarfinit assigiinngitsuneersut, kiisalu ilinniartuunersiuteqarfimmeersut tunngavigisarpaat. Kisitsisit paasissutissat taakkua ukiuni qaangiuttuni aammalu ukiumi pineqartumi ilinniartitaanerup iluani pissutsinik ersarissunngortitsisarput, taamalu ukiunut tulliuttunut suliassat anner-tussusissaannik naliliinissamut tunngavissiisarput, ukiumut ilinniartunngorsinnaasut amerlassusiat sanillinneqaraangat.

Ilinniartitaanikkut siuarsaaneq pillugu killiffinnik angusaagallartunillu nalunaarussiaq aallaavigalugu ilinniagaqartut amerliartornissaat naatsorsuutigineqartoq kisitsisinut iluarsinermi ilanngunneqassaaq, tassani tunngavigisat pingaarnerit allaaveqarlutik ilinniartitaanermut pilersaarummi annertuseriarnissamik sammisani gruppe 1 aamma 2 eqqarsaatigalugit. Tamatuma saniatigut 2008-mi ukiunit marlunnit atuarfinit anisussat naatsorsuinermi ilanngunneqarput. Taamalu nalunaarussiaq ”Ilinniaga-

qarnikkut aamma piginnaangorsaqqinnikkut siuarsaaneq” atorneqarpoq 2007-mut aningaasaliissutissanut pilersaarusionermi aamma ilinniartitaanermut pilersaarutip suliarinerani.

Tamanna oqaatigineqareerpat pissutsit ajornakusoortippaat siumut oqaatigissalugu ilinniagarniartut ilinniakkanik qanoq ittunik kissaateqarnersut, aammalu suliffeqarfiit qanoq piginnaanilinnik ukiuni aggersuni ujartuissanersut. Taamaattumik naatsorsuinermi eqaassusiliiniartoqarsimavoq, suliffeqarnermi sulisussat pisariaqartinneqartut aallaavigalugit ujartorneqarnerallu tunngavigalugu ilinniartitsineq ingerlanneqarsinnaaqullugu.

Aningaasaliissutit qanoq atorneqarnissannut tunngasumik apeqqutit pillugit aningaasanut inatsisissatut siunnersuummi itinerusumik allaaserineqarneri innersuusutigissavakka.

Ilinniagaqarnikkut siuarsaaneq pillugu killiffinnik angusaagallartunillu pilersaarusi-ami suliniutinik ilanngussisoqarpoq, nunatsinni ilinniartitaanermik ingerlatsiviusut nukittorsarneqarlutillu ineriartortinneqarnissaat siunertaralugu, - aqutsinikkut allafissornikkullu, - aammalu ilinniartitseriaatsikkut imarisaatigullu. Taamaattumik ilin- niarfiit aaqqissuussaananerit malinnaaffigineqarpoq ingerlaavartumillu ineriartortin- neqarluni.

Ilinniartut sungiusaammik suliffissaat eqqanaarniarlugu suliniutinik arlaqartunik ingerlatsisoqarpoq, Naalakkersuisullu ukiaq manna 2006-mi paasisitsiniaanermik ingerlatsippat, suliffeqarfiit ilinniartunik amerlanerusunik atorfinittitsisarnissaannik kajumissaariffiusumik. Tamatumalu saniatigut suliffeqarnermi illuatungeriit su- leqatigineqarput, sungiusaammik suliffissanik amerlanerusunik pilersitsiniarnermik siunertaqartumik.

Nunatsinni sulisinnaasut ilinniagaqarsimasutsikkut ukiuni aggersuni qaffasinneru- sumik angusaqarnissaat tunngavigalugu, - suliffeqarnermi pisariaqartinneqartunik aallaaveqartumik, - avataaneersunik sulisussanik pisariaqartitsineq annikinnerulis- saaq.

Naalakkersuisut ilinniartitaanikkut pilersaarummi anguniagaqarput, ukioq 2020-mi sulisinnaasut 2/3-ii akuerisaasumik piginnaasaqarfiusumik ilinniagaqarsimalissasut, tassalu anguniagaq taanna Naalakkersuisut pilersaarusionermi aallaavigaat. Ilinniagaqarnikkut siuarsaaneq pillugu killiffinnik angusaagallartunillu nalunaarsui- nermit takuneqarsinnaasutut anguniagaq angusinaajumallugu suliniutit aallartillua- reerput, ilinniagaqartut amerliartormata, aammalu ilinniarnermi taamaatitsiin- nartartut ikiliartorlutik. Naalakkersuisut ukiuni tulliuttuni amerlasuuni suli angunia- gaq pineqartoq qaffasissumik inissisimatissavaat.

Inussiarnersumik inuulluaqqusillunga

Siverth K. Heilmann

Naalakkersuisoq